

四庫全書

集部

欽定四庫全書

文選卷五

梁 昭明太子蕭統編

唐李善呂延濟劉良張銑呂向李周翰注

京都下

吳都賦

吳都者蘇州是也後漢末孫權乃都於建業亦號吳

左太冲

東吳王孫覿

勅謹

然而咍

呼來反

劉曰莊周云齊桓公

辭曰衆兆所哈翰曰驪大笑也楚人謂笑曰哈相笑

弄貌也謂西蜀公子盛稱山川險阻而王孫以為未足

多盛也故笑弄曰夫上圖景宿辨於天文者也下料聊

物土析星於地理者也劉曰謂天垂其象而分野形地

曰文子曰天道為文地道為理濟曰謂牛斗星吳分

野向曰料計析分別也言計其土地上下定其貢賦

而分古先帝世善作曾覽八紘之洪緒一六合而光宅

翔集遐宇鳥策篆素玉牒五臣作課音牒同石記烏聞梁岷有

陟方之館行宮之基歟劉曰淮南子曰九州外有八澤

千里蓋八索也一六合而光宅者并有天下而一家也

說文曰牒札也石記刻石書傳記也烏安也梁梁州也

岷岷山皆蜀地也書云舜陟方謂南巡守也光武紀云濟陽有武帝行過宮善曰呂氏春秋曰神遊乎六合高誘曰四方上下為六合尚書序曰光宅天下鳥策鳥書于策也春秋運斗樞曰黃龍負圖出置帝前鳥文漢書音義曰大篆蟲書鳥書是也鄭玄禮記注曰策簡也篆素篆書于素也揚雄書曰齋細素四尺東觀漢記曰封禪其玉牒文祕天子事也說文曰牒記也孝經鉤命決曰封禪刻石記號也天子行所立名曰行宮良曰帝世謂虞舜之世也魯經也九州外有八紘紘網紀也言為天地之綱紀洪大也緒業也光亦大也宅居也言先帝經覽此八紘大業一統六合方居天下又飛集于遠方之宇遊蒼梧會稽六合謂四方上下也銑曰鳥謂鳥跡書也策竹簡也篆大篆書也素謂帛也所以書之玉課石記皆典策類也鳥何也梁岷蜀之二山名陟方王者巡省之名也館官舍宅行宮天子行幸所止處也基跡也今觀先代典策何聞蜀之有此跡乎謂舜游

也而吾子言蜀都之富禺愚同之有偉五臣作障其區域美

其林數矜巴漢之阻則以為襲險之右徇辭存鵠昌夷

之沃則以為世濟陽九齷音握善齷楚角而筭固亦曲士

之所歎也旁魄蒲博而論都邑善無抑非大人之所善無

壯觀也劉曰越雋郡蜻蛉縣禺山有金馬碧雞之神巴漢之阻巴郡之扞關也漢中廣漢其路由于劔

閣褒斜也易无妄曰災氣有九陽阨陰阨一元之中四千六百一十七歲有九阨陽阨五陰阨四合為九漢書

律歷志具有其事善曰揚雄城門校尉箴曰盤石唐

芒襲險重固漢書酈食其曰其將齷齷好苛禮文子曰

曲士不可言至道莊子曰將旁礴萬物以為一司馬彪

曰旁礴猶混同也礪與魄同鵬鳥賦曰大人不曲翰

曰瑋美也吾子謂西蜀公子也禺同二山名漢水名言
公子恃之以為險矜之以為美也右者言其要害猶人
有右手蹲鵠也沃饒也言其苗有似鵠之蹲也可世
世濟人飢厄九陽數謂重陽用事亢陽之時蹲鵠葉大
常陰其根不死故得濟陽九之厄也鮐曰齧齧局小
貌筭記也曲士小人也言蜀局小人之計且為小人所
歎而況于我乎向曰旁魄混同也言若混同而何則
論都邑則蜀都福小不足以為大人之壯觀也

土壤不足以攝生山川不足以周衛公孫國之而破諸

葛家之而滅茲乃喪亂之丘墟顛覆之軌轍安可以儼

戾王公而著風烈也

劉曰攝持也老子曰善攝生漢書
公孫述王此土而亡諸葛亮相此

國而敗凡天下存亡唯繫乎人然強弱有常勢利害有
常地必有不可守之土不可興之國矣易曰六五之吉

麗王公也

善曰漢武柏梁臺詩曰周衛交戰禁不時

毛詩曰喪亂弘多

呂氏春秋燭過曰子胥諫而不聽故

吳為丘墟毛詩序曰閔周室之顛覆奢靡也尚書曰弊

化奢麗春秋考異郵曰後雖殊世風烈猶合于持方

向曰發疑問之詞故言何如此蜀之土地卑濕故不足

以養生周衛謂防衛也翰曰公孫述為光武所滅諸

葛諸葛亮也卿大夫稱家亮死後蜀國方滅此言諸葛

亮家之而滅者舉大以明之銑曰軌轍車跡也儼偶

也言蜀都豈可以偶王翫其磧亦礫而不窺玉淵者未

公之德而著其風烈

知驪龍之所蟠也習其敝邑而不覲善作上邦者未

知英雄之所躔直也劉曰磧礫淺水見沙石之貌玉淵

淵生玉英莊子曰千金之珠在九重之淵驪龍頷下故

曰不窺玉淵者不知驪龍之蟠也善曰上林賦曰下

磧礫之坻說文曰磧水渚有石也左氏傳曰衛州吁曰
弊邑與陳蔡從上邦猶上國也方言曰蹙歷行也良

曰翫習也磧礫淺水而有石者玉淵淵深而有玉也公
子所習淺近如此水之淺近也不知我國如玉淵之深

焉驪龍龍名也龍蟠必在深淵今公子不窺則不知龍
在淵濟曰蜀但知習其敝小都邑不見上國不知英

雄之所行歷也邦子獨未聞大吳之巨五臣作壯麗乎且有
國也蹙行歷之所

吳之開國也造自太伯宣於延陵蓋端委之所彰高節

之所興建至德以創洪業世無得而顯稱由克讓以立

風五臣作輕脫蹙所解反五於千乘五臣作音承若率土而

論都則非列國之所缺音決望也劉曰戰國策曰黑齒彫

伯三以天下讓延陵季子辭國而不處遂化荆蠻之方
與華夏同風二人所興左氏傳曰太伯端委以治端委
禮衣委貌謂冠袖長而裳齊委至地也孔子曰太伯三
以天下讓人無得而稱焉善曰端委至德太伯也高
節克讓延陵也左氏曰吳子諸樊既除喪將立季札札
曰聖達節次守節下失節為君非吾節也遂讓不受史
記曰壽夢欲立季札讓不可乃立諸樊也漢書武帝曰
吾去妻子如脫躡耳聲類曰躡或謂鞞說文曰鞞鞞屬
諸侯故言千乘之國論語曰尊千乘之國漢書曰上欲
王盧綰為羣臣缺望臣瓚曰缺謂相缺而怨望也翰
曰子公子也上責公子齷齪小節不見上邦之英雄此
將為公子說吳都壯麗自設問云獨未聞大吳之美麗
乎歷銑曰造始也太伯周太王世子太王欲立之讓弟
季歷遂居荆蠻號曰句吳故吳國始自于此也延陵季
子吳公子以其賢將立之季子讓不受後封延陵也又
曰言我吳都復建立太伯延陵之至德以創制大業世

無德而稱美焉 濟曰太伯延陵端其志操委弃其位
以存讓體以興高節又曰言吳能建太伯延陵之讓節
以成風俗蓋讓千乘之重如脫履弃之躡履也 良曰
率土謂天下也缺相又缺妬美之貌若悉天下以此論
則非列國之所又缺妬故 五臣其經略上當星紀拓 託
羨而况蜀之小國乎 作固

土畫疆卓犖兼并包括於越跨躡蠻荆

劉曰左傳曰天子經畧土地定

城國制諸侯略分畧也一曰遠界為經畧也爾雅曰星
紀斗牽牛吳分野斗者日月五星之所經始故謂之星
紀意者斗為星紀則其分域亦所以能為綱維故曰卓
犖兼并也越今之蒼梧鬱林合浦交趾九真南海日南
皆越地吳之所并也荆蠻吳所得荊州四郡零陵桂陽
長沙武陵 善曰漢書曰戎狄之與於越不相入也音
義曰於南方越名也春秋曰於越入吳杜預注曰於越
人發語聲詩曰蠢爾荆蠻 翰曰經畧猶經營也星紀

文選

五

斗牛星名也良曰言拓土境畫封疆卓犖高絕出羣也魚并吞納也言其廣大可以吞納天下向曰於越

越地名而為吳所并故云包括跨躡者婺務足之所及也言蠻荆之地亦吳之所得女寄其曜

翼軫寓其精指衡嶽以鎮野目龍川而帶垆

劉曰越楚地皆割屬

吳故言婺女翼軫寄曜寓精也善曰漢書曰越地婺女之分野楚翼軫之分野周禮曰正南曰荊州其鎮衡

山漢書南海有龍川縣爾雅曰林外謂之垆向曰越楚並為吳所吞則其星之精曜若客寄寓于吳也濟

曰衡山南岳本不在吳分故指之以為吳野之爾其山鎮龍川水名曰望也言望此水控帶其郊垆

澤則鬼

五疑魚曉

五先

五嬰鳥

莫鬱

拂五臣作弟音

山高險

潰洳

洪泮

半汗

渢渢

茀茀

漫漫

向曰並水或

涌川而開瀆

翰曰涌川細水言積細也

或吞江而納漢

向曰九江南入震澤故曰吞

漢水南入于江故曰納

硨磲

胡硨磲

力罪反

石貌

曰皆山石貌

滌滌

皮汗汗

古汗反

良硨磲

金硨磲

今

乎數州之間灌注

乎天下之半

劉曰山之衡嶽澤之大者彭蠡地志曰彭蠡澤在豫章彭澤西會稽餘姚縣

蕭山漢水所出錢塘縣武陵龍川出其垆故曰涌川九

江經廬山而東故曰開瀆禹貢曰三江既入震澤底定

故曰吞江又曰漢水東為滄浪南入于江故曰納漢荆

揚交廣故曰數州之間土地濶遠故曰天下之半

而會控清引濁混濤并瀨

音瀨

瀨

薄沸騰寂寥長邁漚

秘

次定四庫全書

文選

六

馬洶洶

恭呼隱焉

磻磻

苦蓋反

劉曰字說曰水別流為

善曰尚

書大傳曰百川超于海洶洶磻磻皆水聲也

翰曰江

海下故百川歸會之控亦引也言水清濁雜流混其波

洶合其湍瀨同入于海也水相激盪曰潰薄波浪涌起

為沸騰也寂寥無聲也適行也言衆水混合既入廣大

出乎大

之處無沸騰之聲澹然常行也向曰渾水暴

至聲也洶洶疾流長貌隱焉磻磻遠聞之聲

湯善作

荒之中行乎東極之外經扶桑之中林包暘

干

起廻復萬里歟

虛

霧逢蓬

蒲

雲蒸昏

昧

劉曰大荒謂海外也爾雅曰孤竹北戶西王母日下

謂之四荒孤竹在北北戶在南日下在東西王母在

西皆四方荒昏之國也又曰東至大遠西至邠國南至

滌鉞北至祝栗謂之四極謂四方之極極遠也言大荒

東極扶桑賜谷者謂海外彌廣無所不連也善同翰注翰曰大荒國名東極言極天地之東言廣遠也扶

桑賜谷皆日出之所言水流遠至于此滂沛水多貌良曰汨疾也言江海潮上戲水皆逆流須臾萬里歟氣

也縫浮煩鬱之狀水氣泓澄奔於溱權湏胡溶余沆朗蒸而為雲故昏昧也

濬余莫測其深莫究其廣澶澶恬恬漠而無涯愬有流

而為長上聲瓌異之所叢育鱗甲之所集往善曰說文曰泓下深

大也澄湛也奔溱迴復之貌澶恬安流貌翰曰此上皆水深廣貌有流百川也言愬合百川為之長也究盡

也瓌奇言奇異之物育于此於是乎長鯨吞航胡脩鯢也鱗者龍魚也甲者龜鼈也

吐浪向曰鯨鯢大魚能躍龍騰蛇蛟鰐琵琶王鮪倅

也從廣二尺許有爪其螯偏大大者如人大指長二寸
餘色不與體同特正黃而生光明常忌護之如珍寶以
利如劍故曰擁劍其一螯尤細主取食出南海交趾龜
鼈龜屬也其形如笠四足綬胡無指其甲有黑珠文采
如瑇瑁可以飾物肉如龜肉肥美可食鯖魚出交趾合
浦諸郡鰐魚長二丈餘有四足似鼈喙長三尺甚利齒
虎及大鹿渡水鰐擊之皆中斃生則出在沙上乳卵如
如鴨子亦有黃白可食其頭瑇瑁去齒旬日間更生廣州
有之涵沈也揚雄方言曰南楚謂汎為涵泳潛行也見
爾雅 善曰莊子曰吞舟之魚碭而失水周易曰見龍
在田或躍于淵楚辭曰騰蛇兮後從文子曰騰 葦七鱗
蛇無足而騰 向曰言此水族皆游泳于水中 鱗
鏤甲詭類舛錯汴素洄順流噉 牛 噉 恭 沈 浮 劉曰葦累
甲也楚辭曰魚葦鱗以自別噉魚在水巾葦出動口
貌 善曰毛詩曰汴洄從之道阻且長文子曰水濁則

海經注曰鷗水鳥也。銑曰鷗鷗海鳥避風于魯門造至也。言鷗候時而來居于此也。餘皆鳥名也。泛濫羣游。

於水湛淡羽儀隨波參差理翮整翰容與去自玩彫啄

蔓藻刷盪漪瀾

劉曰湛淡迅疾貌漪瀾水波也彫啄鳥食貌蔓藻海藻之屬也善曰說文曰

刷刮也漪蓋語辭也毛詩曰河水清且漣漪爾雅曰大波為瀾翰曰言鳥遊自得其性也濟曰彫傷蔓藻

水草言鳥羣游傷啄蔓藻以食魚鳥聲曹耳乙萬物蠢之刷盪毛羽于湍瀨之上也

允昌生茫茫黦黦許意呼罔奄炊許勿神化翕忽含幽育

明窮性極形盈虛自然蚌蛤珠胎與月虧全巨鼈教員

備許肩器首冠貫靈山大鵬續翻翼若垂天振盪汪流雷

抃下重淵殷上動宇宙胡可勝源劉曰蠢動也亟幽育明皆謂珠玉光耀之

狀也窮性極形物皆極大也呂氏春秋曰月望則蚌蛤實月晦則蚌蛤虛列仙傳曰鼉負蓬萊山而抃滄海之中莊周曰北溟有魚名鯢化為鵬怒而飛翼若垂天之雲鵬之將徙于南溟水擊三千里搏風扶搖而上九萬里示振盪之狀也汪流水深貌其聲勢之不可勝盡也淮南子曰虛郭生宇宙宇宙生天地者也善曰埤蒼云聲不聽也杜篤論都賦曰蠢生萬類默默不明春秋保乾圖曰日以圓照月以虧全宋均曰全十五日時也列子曰夏革曰渤海之東曰歸墟其中有五山焉帝命禺強使巨鼉十五舉首而戴五山峙而不動玄中記曰鼉巨龜也西京賦曰巨靈鼉負王逸楚辭注曰擊手曰抃向曰聲聒衆聲貌魚當無聲此云魚鳥聲聒者文之失也蚌蛤珠胎皆盈虧之物月滿則珠全月虧則珠缺巨鼉大龜也鼉負用力之貌靈山海中蓬萊山而大鼉以首戴之冠猶戴也翰曰蠢動也萬物蠢生于天地之間皆有氣色芒芒既既氣不明貌也殷聲也宇宙

天下也謂聲動振于天下何可勝說其本源之所由
良曰慌罔不明貌奄歎翕忽變化疾速貌振盪動也汪
流漫水也扑猶擊也重淵言深也大龜戴山動擊于水
中其聲如雷霆濟曰大鵬鳥也續翻飛貌翼若垂天
言至大也鮒曰物在水故曰魚也珠玉生島嶼序
馬故曰育明育養也窮性極形各得其所

邈洲渚憑

平

隆

音

曠

瞻

迢

遞

迴

眺

冥

蒙

珍

怪

麗

奇

隙

徑路絕風雲通洪桃屈盤

五臣作盤屈

丹桂灌叢瓊枝抗莖

而敷藥珊瑚幽茂而玲瓏

劉曰島海中山也嶼海中洲上有山石魏武蒼海賦曰覽

島嶼之所有水中可居曰洲小洲曰渚曠瞻迢遞謂島嶼也迴眺冥蒙謂洲渚也徑路絕者人道斷絕風雲通

者唯風雲能交通也意者謂奇怪之徒因風雲以交通水經曰東海中有山焉名曰度索上有大桃屈盤三千

里桂生蒼梧交趾合浦以南山中所在叢聚無他雜木也其枝葉皆辛木叢生曰灌瓊樹食其華藥令人長生楚辭曰精瓊藥以為糧蓬萊三山神仙所居故宜有馬漢書歌上蓬萊咀瓊英珊瑚樹赤色有枝無葉扶南傳曰漲海中有盤石珊瑚生其上善曰後漢黎陽山碑曰山河馮隆有精英分朱稱爵金賦曰丹桂植其東莊子曰南方積石千里名瓊枝高百二十仞翰曰海中子曰南方積石千里名瓊枝高百二十仞翰曰海中子曰島洲上有山曰嶼縣邈遠也洲中有草木曰渚憑隆高大貌也洪大也大挑樹盤屈三千里丹桂者言吳地多桂而叢生木叢生曰灌銑曰曠瞻迴眺皆遠望也迢遞長也冥蒙不明貌麗著也隙異也言洲嶼有珍怪奇異之物著處充滿也良曰絕謂山海險難唯風雲可通濟曰抗舉也敷布也瓊枝玉增岡重阻列真樹生于水下故云幽茂玲瓏枝葉貌

之宇玉堂對雷石室相距鵲鵲翠幄嫋嫋素女江斐

五臣作妃於是往來海童於是宴語斯寔神妙之饗象嗟難

得而覩

魯縷劉曰玉堂石室仙人齋持何等前謁海童而雅曰

嗟楚人發語端也善曰馮衍爵銘曰富如江海壽配列真楚辭曰紫貝闕分玉堂鄭玄禮記注曰堂前有承

雷列仙傳曰赤松子常止西王母石室中徐翰齊都賦曰翠幄浮游埤蒼曰嫋嫋美也史記曰秦帝使素女鼓

五十絃瑟王延壽王孫賦曰嗟難得而覩縷銑曰增岡重阻高峻貌其中多居神仙故曰列真之宇增岡高

山也重阻險也幄帷帳也嫋嫋素女謂神女言仙人所居向曰玉堂石室皆仙人所居其欄雷相接至也距

至也良曰江妃解珮與鄭交甫者海童海神也二者皆于此往來宴語也翰曰神妙則所述神仙之事仙

道至微事或饗象饗象言未審也嗟發爾乃地勢块朗辭之端覩縷次序也言難知其次第也

北鳥點卉木鳥馱老蔓蔓遭數為圃值林為苑異莠荂荂荏荏藟藟

育夏暄

千冬蒨

五臣

方志所辯中州所羨

劉曰塊北莽

平貌也卉百草總名楚人語也言林數非一所在皆為苑圃有國有家者因天地之自然不復假人功為園圃

也爾雅曰荂榮也南土草木通曰冬生故曰蒨舊曰

鵬鳥賦曰塊北無垠廣雅曰馱長也爾雅曰蒨榮也郭璞曰蒨猶敷蒨亦草之貌也藟與蒨同庾俱切蒨與敷

同無俱切向曰塊北地勢高下也卉木馱蔓言草木

盛長而蔓延銑曰遭逢也有草曰圃有木曰苑言逢藟草為圃值林木則為苑言不特故為之者也異荂荏

藟言有植草木多也暄榮貌備盛貌言草木夏榮冬不凋也方志謂四方物土所記錄者若分辨色類則必有中國之草則藟藟納豆蔻火薑謂非一江離之屬海

苔之類綸關組紫絳食葛香茅莫石帆凡水松東風扶

留

劉曰異物志曰藿香交趾有之豆蔻生交趾其根似薑而大從根中生形似益智皮殼小厚核如石榴辛

且香薷草樹也葉如枳櫚而小三月採其葉細破陰乾之味近苦而有甘并雞舌香食之益美薑朮大如累氣猛近於臭南土人搏之以為薑菱一名廉薑生沙石中薑類也其累大牟而香削皮以黑梅并薑汁漬之則成也始安有之朮類也周易曰拔茅連茹以其朮征吉所謂薑朮非一也江離香草也楚辭曰扈江離海苔生海水中正青狀如亂髮乾之亦鹽藏有汁名曰濡苔臨海出之爾雅曰綸似綸組似組東海有之紫紫菜也生海水中正青附石生取乾之則紫色臨海常獻之絳絳草也出臨賀郡可以染食葛蔓生與山葛同根特大美于芋也豫章間種之香茅生零陵石帆生海嶼石上草類也無葉高尺許其華離樓相貫連雖無所用然異物也

死則浮水中人于海邊得之稀有見其生者水松藥草
生水中出南海交趾東風亦草也出九真扶留藤也綠
木而生味辛可食檳榔者斲破之長寸許以合石貴灰
與檳榔并咀之口中赤如血始興以南皆有之向曰
江離香草海苔海菜也厲亦類也濟曰綸組紫絳四
者皆海中草食葛葛根也香茅亦草石帆而下四者皆
草名布護臯澤蟬聯陵丘寅緣山嶽之邑節纂覓歷

江海之流杞

五骨

白蒂

帝

銜朱黹

汝誰

鬱分莠

以稅

茂暎分

五臣

作暎

菲菲光色炫晃芬馥盼嚮職貢納其包匭離騷詠

其宿莽

劉曰許氏說文曰岳隅高山之節也杞搖也揚雄方言曰凡草生而初達謂之莠包裏也匭

猶結也尚書禹貢曰包匭菁茅菁茅生桂陽可以縮酒給宗廟異物也重之是故既包裏而又纏結之一曰匭

桺也爾雅曰卷施草拔其心而不死江淮間謂之宿莽
屈原嘉之以其志故離騷曰夕覽洲之宿莽善曰毛
萇詩傳曰机動也淮南子曰草木之勾萌銜翠載實說
文曰蕤草木華垂貌盼蠶濕生蟲蚊類是也其羣望之
如氣之布寫也言大福之興有如此蟲羣飛而多也黃
緣出也翰曰布護草衆密貌澤畔曰皋有水曰澤蟬
聯謂不絕于丘陵之上黃緣言衆草滋長皆緣上山嶽
而生山曲曰崑幕歷草掩覆于岸而江海波流于草下
也机搖動也蒂花根而綴于枝上朱蕤花也言花生于
草若草銜之職貢謂獻于君也納猶入也色裹也匪匪
也謂致于裏匪而貢之離騷曰宿莽宿短草莽長草
銑曰鬱多狀也凡草初生之謂蕤然盛貌非菲貌
言花卉叢生鬱茂華盛而美之良曰光色炫晃謂花
卉向曰晃晃光色之貌芬馥香也盼蠶蚊類也言香氣
積來如盼蠶也木則楓桺甲豫章枏櫟枸侯榔郎緜元
之羣飛也

杞椿盧盧丈穰楨貞樞薑平仲君遷松梓古度楠南

榴留之木相思之樹劉曰楓柳皆香木名也豫章木也異物志曰拼櫚櫟也皮可作索枸

枅樹也直而高其用與拼櫚同拼櫚出武陵山枸櫟出廣州木絛樹高大其實如酒杯皮薄中有如絲絛者色

正白破一實得數斤廣州日南交趾合浦皆有之枳大樹也其皮厚味甚苦澀剥乾之正赤煎訖以藏衆果使

不爛敗以增其味豫章有之杞樞二木名文文本也材密緻無理色黑如水牛角日南有之穰木樹皮中有如

白朱肩者乾擣之以水淋之可作餅似麵交趾盧亭有之楫樞二木名劉成曰平仲之木實白如銀君遷之樹

子如瓠形松梓二木名古度樹也不華而實子皆從皮中出大如安石榴正赤初時可煮食也廣州有之南榴

木之盤結者其盤節文尤好可以作器建安所出最大者也相思大樹也材理堅邪斫之則又可作器其石如

珊瑚歷年不變東治有之宗生高岡族茂幽阜擢本千尋垂蔭萬畝

攢柯挈

女家

莖重葩晻

五臣作掩

葉輪菌

巨

虬蟠盤

插

楚壘

除立壘立

鱗接榮色雜糅

女又

綢繆緝繡宵露霏

徒感

霽徒

外

旭許

日晻

鳥暍

蒲對

與風颭

搖颭

颭

模颭

颭

於

瀏

力

颭

搜

颭

留

鳴

條

律

暢

飛音響亮蓋象琴筑

竹

并奏笙竽俱唱

劉曰

莊周曰

匠

石見

樹百圍其

臨千仞而後有枝此大樹之屬也

注曰琴亂也晻重也郁陽上書曰輪菌離奇插壘相重

善曰

許慎淮南子

之貌毛詩曰旭日始旦

暍亦闇也

颭瀏風聲也

律謂籟

也殷仲文所謂幽律是也

說文曰筑似第五絃之樂也

世本曰隨作竽鄭玄周禮注曰三十六簧也濟曰言

木之宗族茂于岡阜也幽遠也

翰曰

本根也

言根深

之盛下達千尋傍垂蔭萬畝之地向曰葩花也言木

攢其枝柯亂其莖蒂花葉重疊以相掩覆輪菌屈曲貌

虬龍也埤埤相重疊貌言木形屈曲如龍之蟠相重若

魚鱗相接也宵夜也旭早也霽霽露重貌晦暗暗貌

言木茂盛夜含重露朝映赫日常掩然昏暗也銑曰

糝雜彩色絢綢繆繁密貌五色曰綳言花有彩色繁密相

錯如繡也與風颭颭謂木于風颭颭颭颭風聲也律絲

竹音韻也暢通亮高遠也言風之鳴木條聲通音律音

響高遠也此重言風搖其上則有猿父哀吟猗子長

林木之聲又如此音樂

嘯狖狖又鼯吾狖火然騰超勅飛超勑爭縣接垂五臣本作爭接

懸競游遠枝驚透沸亂牢落暈散劉曰吳越春秋曰

垂競游遠枝驚透沸亂牢落暈散越有處女出于南

林之中越王使使聘問以劒戰之事處女將北見于越

王道逢老翁自稱素衣公問處女吾聞子善為劒術願

一觀之女曰妾不敢有所隱唯公試之于是袁公即跳
于林竹槁折墮地處女即接末袁公操本以刺處女女
應節入三八因舉枝擊之袁公即飛上樹化為白猿遂
引去異物志曰狄猿類露鼻尾長四五尺樹上居雨則
以尾塞鼻建安臨海北有之鼯大如猿肉翼若蝙蝠其
飛善從高集下食火煙聲如人號一名飛生飛生子故
也東吳諸郡皆有之獮然猿狄之類居樹色青赤有文
日南九真有之楊雄方言曰透驚也善曰山海經曰
獄法之山有獸狀如大人面見人則笑名獬枚乘兔園
賦曰騰涌雲亂葉暈散向曰猿父猴也言猴猿哀吟
于林木之上獬子獸名此重言風搖林銑曰狄鼯獮
然亦猿之類騰越飛超言其輕捷也翰曰言猿狄之
類爭接木懸枝游遠枝也此言猿狄之類羣游忽遇人
則驚亂如沸牢落稀疎也暈雉也雉之驚散以不羣偶
而去猿狄之類驚其下則有梟結羊麝衛狼狽鳥踰翼
走亦如雉之散也

羆象於

音鳥 善 本作鳥

羆之族犀兕

似之黨鉤爪鋸牙自

成鋒穎精若曜星聲若雷霆名載於山經形鏤於夏鼎

劉曰爾雅曰羆羊一名羆羆如人面長脣黑身有毛及踵見人則笑左手操管海南經所云也異物志曰麋狼大如麋角向前有枝下出反向上長者四五尺廣川有之常居平地不得入山林山海經曰南海之外有獬豸狀如羆龍首食人羆虎屬也或曰龍化為人也象生九真日南山中大者其牙鼻長一大於羆虎也江淮間謂虎為於菟羆狀如水牛頭似豬四足類象倉黑色一角當額上鼻上角亦墮也又有小角長五寸不墮性好食棘口中灑血武陵巴南山中有之兕獸也似牛左氏傳昔夏之方有德也遠方圖物貢金九牧鑄鼎象物而為之備使人知神姦故人入山澤林藪不達不若羆羆羆莫能達之故曰形鏤于夏鼎善曰淮南子曰勾爪

鋸牙於是摯矣禮記曰刀却刀授穎鄭玄曰穎鋒也摯伯陵答司馬遷書曰有能見鋒穎之狀濟曰其下謂林木之下族種黨類也良曰言此犀獸爪如鈎戟牙如刀鋸鋒穎言利也精目精也言其目如星之光其聲如雷霆之震怒也其竹則簣云當林筵於桂箭射筒

山經山海經也

柚由梧有篁簣

匹勞

有叢

劉曰異物志曰簣生水邊長數大圍一尺五六寸

一節相去六七尺或去一丈廬陵界有之始興以南又多小桂夷人績以為布葛林於是袁公所與越女試劍竹者也桂竹生于始興小桂縣大者圍二尺長四五丈箭竹細小而勁實可以為箭通竿無節江東諸郡皆有之射同竹細小通長長大餘亦細節可以為射筒筒及由梧竹皆出交趾九真簣竹大如戟檣實中勁強交趾人銳之為矛甚利勞竹有毒夷人以為芭筍思抽節往觚刺獸中之則必死向曰竹叢曰篁

往紫結綠葉翠莖冒霜停雪櫛

所蠹

森萃翁

鳥茸而

蕭瑟檀藥嬋娟

緣一

玉潤碧鮮梢雲無以踰嶢

鮮

谷弗能

連驚

岳驚

角仕

食其實鵠鵠擾其間

劉曰芭筍冬筍也出合浦其味美于春夏

時筍也見馬援傳漢書天文志曰見梢雲其說梢如樹也解谷崑崙北谷也黃帝詔伶倫為音律伶倫乃之崑

崙陰取峭谷之竹斬其厚均者而吹之以為黃鍾之管

驚驚鵠鵠皆鳳類也非竹實不食黃帝時鳳集東園食

帝竹實終身不去馴擾善也

善曰櫛蠹茂盛貌冒犯也枚乘兔園賦曰脩竹檀藥夾水濟曰芭謂筍皮抽

節謂進長也往往紫結言多而攢生也

翰曰櫛蠹深長貌森清蔭之狀萃聚也翁茸茂盛貌蕭瑟聲也擾亂

也言亂處竹間也

向曰檀藥嬋娟皆美貌玉潤碧鮮言竹色如玉碧之鮮潤碧亦玉也良曰言雖梢雲之

高亦不能踰也嶧谷山名其果則丹橘餘甘荔枝之林生美竹言亦不能連也

檳榔無柯椰以葉無蔭龍眼橄敢攬覽探市榴善作禦

霜結根比景之陰列挺衡山之陽劉曰薛瑩荆揚巴南異物志曰餘甘如梅

荔枝有刺初食之味苦後口中更甘高涼建安皆有之荔枝樹生山中葉綠色正赤肉正白味甘檳榔樹高六

七大正直無枝葉從心生大如楮其實作房從心中出一房數百實實如雞子皆有殼肉滿殼中正白味苦澀

得扶留藤與石貴灰合食之則柔滑而美交趾日南九真皆有之椰樹似檳榔無枝條高十餘尋葉在末如束

蒲實大如瓠繫在樹頭如挂物也實外有皮如胡桃核裏有膚白如雪厚半寸如豬脂味美如胡桃膚裏有汁

升餘清如水美如蜜飲之可以愈渴核作飲器也龍眼如荔枝而小圓如彈丸味甘勝荔枝蒼梧交趾南海合

浦皆獻之山中人家亦種之橄欖生山中實如雞子正青甘美味成時食之益善始興以南皆有之南海常獻之標標子樹也生山中實似梨冬熟味酸丹陽諸郡皆有之榴榴子樹也出山中實亦如梨核堅味酸美交趾獻之善曰漢書音義如淳曰比景日中於頭上景在己下故名之比景比方利切宋玉笛賦曰余常觀于衡山之陽向曰皆藥木及果名禦霜謂冬熟也此景素國名衡山南岳也言此果木結根列梢生于此處

花斐丹秀芳臨青壁係紫房鷓鴣南翥而中留孔雀綵

會祖羽而翱翔山雞歸飛而來棲翡翠列巢以重行

鷓鴣劉曰

如雞黑色其鳴自呼或言此鳥常南飛不北豫章巴南諸郡處處有之孔雀尾長六七尺綠色有華彩朱崖交趾皆有之在山草中山雞如雞而黑色樹棲晨鳴今所謂山雞者驚蛰也合浦有之翡翠巢于樹顛生子夷人

稍徙下其巢子未飛便取之皆出于交趾鬱林郡 銑
曰斐美貌也言果木之花美而且芳香青壁山之石壁

色青紫房果之紫者係于木上 向曰五色曰絳鷓鴣
鳥常南飛言其經此果木之中翫其茂盛遂留未去也

孔雀以五色羽翰亦常飛集 其琛賂則琨瑤之阜銅錯
其中 良曰重行言多也

買之苦之垠 銀火齊 去之寶駭雞之珍 赭 肥 盈 丹明璣金華銀

樸紫貝流黃縹 匹 碧素玉隱賑 之 歲 鳥 懷 雜 挿 楚 幽

屏 必 精曜潛穎 五臣本作 玦 勅 列 侈 直 氏 山谷 碻 巨 宜 岸為之

不枯林木為之潤 黠 隋侯於是鄙其夜光宋玉於是陋

其結綠 劉曰琛寶也賂貨也詩云來獻其琛大賂南金
琨瑤皆美石也錯金屬也禹貢揚州貢金三品

謂金銀銅也異物志曰火齊如雲母重沓而可閉色黃赤似金出日南潁赤也丹丹砂也出山中有穴禹貢荊州貢丹璣珠屬也朱崖出珠金華金有華采者銀樸銀在石者紫貝以色言之流黃土精也淮南子曰夏至而流黃澤縹碧素玉者亦以色言也哲者言其如砉撻而落山谷者淮南子曰積疊琬玉以純脩砉張衡南都賦曰隋珠夜光張祿先生曰家有結綵隋侯宋玉于此各鄙其寶也善曰尚書曰璫珉篠蕩孝經援神契曰神靈滋液則犀駭雞宋衷曰角有光雞見而駭也劉欣期交州記曰金華出珠崖謂金有華采者埤蒼曰歲襲不平也幽屏謂生處也潛類謂潛深而有光類說文曰砉撻空青珊瑚墮之孫卿子曰言無小而無聲行無隱而不形玉在山而木潤淵生珠而崖不枯許慎淮南子注曰砉長邊也良曰璫賂珍寶也璫璫玉名錯白鐵也阜山也垠畔也言此之物所出翰曰火齊寶名駭雞犀角也雞見則驚之潁丹素玉並寶玉之類也隱賑言

多也歲暮排積貌雜挿幽屏謂雜生隱僻之處屏僻也
精曜則寶玉之光雖在幽僻之處常顯然有異光也
摘也墜落也言寶玉生于山谷為人之所摘落也
碕岸長岸也泉生明珠而岸草不枯玉在山林木潤
色盛也銑曰言隋侯夜光珠宋玉結綠其荒陬子
玉名陋鄙不可尚言此所出可謂貴也侯譎

決詭鬼則有龍穴內蒸雲雨所儲陵鯉若獸浮石若桴

郭雙則比目片則王餘窮陸飲木極沈水居泉室潛織

而卷綃淵客懷

五臣作恍
苦浪反

慨

苦代而泣珠開北戶以向日

齊南冥於幽都

劉曰陬四隅也湘東新平縣有龍穴穴
中黑土天旱人人便共以水沾此土則

暴雨應之常以此請雨也陵鯉有四足狀如獺鱗甲似
鯉居土穴中性好食蟻楚辭曰陵魚曷止王逸曰陵魚

陵鯉也浮石體虛輕浮在海中南海有之比目魚東海
所出王餘魚其身半也俗云越王鱠魚未盡因以其半
棄之為魚遂無其一面故曰王餘也朱崖海中有渚東
西五百里南北千里無水泉有大木斬之以盆甕承其
汁而飲之水居鮫人水底居也俗傳鮫人從水中出曾
寄寓人家積日賣綃綃者竹孚俞也鮫人臨去從主人
索器泣而出珠滿盤以與主人曰南人北戶猶曰北人
南戶也善曰尚書曰宅朔方曰幽都謂日既在北則
南冥與幽都同王餘泉室皆見博物志窮陸見後漢書
史記曰秦始皇地南至北向戶北據河為塞向曰言
其荒遠取隅之所也譎詭怪異也近水有龍穴其內蒸
氣為雲雨故云儲儲積也窮高也言高陸之地無水斬
木取汁飲之極沈水居有甚沈溺之處人居于水中此
說人所居處也泉室則水居者俗傳鮫人從水中出於
人間賣綃綃則綃也又云鮫人嘗寄人家臨去乃泣珠
于盤留遺主人忼慨泣貌言曰南人開北戶以就明則

以南為幽都亦如中國之見北也濟曰陵鯉以鯉魚
四足如獬故云若獸浮石石之輕者水中浮泛猶如桴

棧也良曰雙行者為此目隻其四野則畛之畷綴無
行者為王餘片隻也皆魚名忍畷

數膏腴魚倍原隰殊品窳隆異等改都象耕鳥耘此之

自與改穡捉秀菰孤穗詞於是乎在舊曰鄭玄毛詩箋
曰畛舊田有徑路

也說文曰畷兩陌間道也窳汙邪下也越絕書曰舜死
蒼梧象為之耕禹葬會稽鳥為之耘左傳曰生人之道

於是乎在向曰畛陌中也言阡陌道路多不可數膏
腴謂良沃地也魚倍言良沃之地而獲倍于餘都廣平

曰原下濕曰隰品類也窳下也隆高也言原隰高下等
類殊異輸曰穡麥也菰草名其子有米可食故云穗

也煮海為鹽採山鑄錢國稅再熟之稻鄉貢八蠶之繇

善曰史記曰吳有豫章郡銅山吳王濞則招致天下亡
命者盜鑄錢煮海為鹽國用富饒異物志曰交趾稻夏
熟農者一歲再種劉欣期交州記曰一歲八蠶繭出徒
日南也銑曰南人種稻一歲再熟有蠶一歲八育

觀其郊隧之內與都邑之綱紀霸王之所根柢帝開國

之所基址郭郭周匝重城結隅通門二八水道陸衢所

以經始用累千祀也善無也字憲紫宮以營室廓黃庭之漫

漫寒暑隔閼蓋五於邃宇虹蜺迴帶於雲館所以跨踣煥

炳萬里也劉曰爾雅曰柢本也吳與周並世世稱王自泰伯至閼閼二十五世益強夫差為盟主故

曰霸王之所根柢也越絕書曰吳郭周匝六十八里六十步大成周四十七里二百一十步水門八陸門八其

二有樓名門者車舩并入昌門今見在銅柱石填地大城中有小城周二十里亦有水陸門皆闕閭宮在高平里寒暑所闕謂冬溫夏涼善曰西都賓曰虹蜺迴帶於焚楮向曰徒觀者重美之詞也郭外曰郊郊外曰隧郊隊之內言深奧也為天下都邑之綱紀言吳都之土地富有可以為霸王深根固柢開國之基址抵亦根也憲法也廓開也漫漫寬大貌言法天紫微星以營宮室開廣庭之寬大銑曰結隅謂城角相對水道言郭郭之內有門十六水道魚通也良曰經營也言今所以經營都邑始于此者將傳於十年也翰曰言宮室深邃冬則寒氣隔而不入夏則熱氣閑而不來雲館館名言此館至高虹蜺之氣繞帶于傍也迴繞也跨峙特立也煥炳言其宮造姑蘇之高臺臨四遠而特建帶朝室光曜深遠也

夕之濬池佩長洲之茂苑窺東山之府則瓌寶溢目觀

史海陵之倉則紅粟流行

劉曰姑蘇吳臺名也善曰越絕書曰吳王起姑胥之臺

五年乃成高見三百里史記曰越伐吳敗之姑蘇漢書伍被曰子胥云見麋鹿游姑蘇之臺然姑胥即姑蘇也

漢書枚乘上書曰夫漢諸侯方輸謂錯出其珍怪不如東山之府轉粟西向不如海陵之倉脩治上林園守禽

獸不如長洲之苑游曲臺臨上路不如朝夕之池蔡邕月令章句曰穀藏曰倉蒼頡篇曰觀索視之貌漢書曰

太倉之粟紅腐而不可食濟曰建立也言臺高臨四望遠而孤立濬深也吳有朝夕池謂潮水朝盈夕虛因

為名焉長洲茂苑言因江海洲渚為之佩帶猶近也濟曰觀視也吳之東山多寶玉如府庫也海陵倉名紅

粟謂儲久而色赤流起寢廟於武昌作離宮於建業闡衍溢目謂多而廣也

闔閭之所營采夫差之遺法抗神龍之華殿施榮楯

時尹

而捷獵宗臨海之崔嵬飾赤烏之暉

偉 暉

于輒反 劉

昌後都建業言離宮者明非吳舊都也神龍建業正殿名臨海赤烏二殿名也越絕書曰昔越王勾踐欲伐吳大夫種蠡對以九術于是作榮楯嬰以白璧縷以黃金狀類龍蛇以獻吳王王大悅子胥諫曰王勿受也王不聽遂受之闔閭造吳城郭宮室夫差增崇侈靡故曰闔閭之所營采夫差之遺法而施榮楯也左氏傳曰夫差次有臺榭陂池焉玩好必從歡樂是務翰曰武昌建業皆郡名闔閭也闔閭夫差皆吳王也言今復得開造采其所營宮殿之法度也向曰捷獵列次貌言今起神龍殿亦施此物臨海赤烏二殿名崔嵬高大貌暉盛貌

東西膠葛南北崢嶸房櫳對櫟

五臣作

連閣相經

闔闔譎詭異出奇名左稱彎崎

巨

右號臨砌

苦耕反 善曰膠葛

長遠之貌魯靈光殿賦曰洞膠葛其無垠說文曰櫨房
室之疏也又曰擴惟屏屬然則門牕之無通名擴與
櫨音義同彎崎臨砌間闔名也
銳曰膠葛廣遠貌崢
嶸峻嶮貌濟曰櫨窓也言房皆對窓開通連而相經
過也
翰曰言門戶譎詭而
奇異也彎崎臨砌皆險峻也
雕藥鏤漆
青瑣丹楹圖
以雲氣畫以仙靈雖茲宅之夸麗曾未足以少寧思比

屋於傾宮畢結瑤而構瓊

劉曰汲郡地中古文冊書曰
築傾宮飾瑤臺紂作瓊室

立玉門言其夸麗
善曰鄭玄禮記注曰栢謂之案左
傳曰丹桓宮楹杜預曰楹柱也
濟曰藥拱也案斗也
皆雕鏤其上青瑣門窓藥為瑣文染以青色楹柱也塗
以赤色故曰丹楹
翰曰言于殿內畫作雲氣彩圖神
仙靈奇之物言雖居此壯麗蓋未足為安謂更欲奢侈
也
銑曰上言未足少寧今復思此屋于築之傾宮以

瑤為臺以高闈有開抗洞門方軌朱闕雙立馳道如砥

樹以青槐亘以淶水玄蔭耽耽耽清流疊疊音尾善

陽殿賦曰朱闕巖巖漢書音義曰馳道天子之道毛詩曰周道如砥漢書賈山上書曰秦為馳道樹以青松然

古之表道或松或槐也韓詩曰疊進也向曰闕宮中之門闕限也洞道也方軌並車也言道門可以並車而

行也濟曰砥平也良曰亘橫也言淶水橫流于其道向曰耽耽青槐蔭深之狀疊疊淶水徐進之勢

列寺七里俠合棟陽路屯營櫛比必頻必辟署棊布橫塘查

責下邑屋隆夸固長干延屬飛甍萌舛互劉曰建業宮前宮寺俠道

七里也辟猶署也吳有司徒大監諸署非一也橫塘查下皆百姓所居之區名江東謂山岡間為干建鄴之南

有山其間平地吏民居之故號為干中有大長干小長干皆相屬疑其居稱干也韓詩曰考盤在干地下而黃曰干善曰應劭風俗通曰今尚書御史謁者所止皆曰寺俠棟棟相俠也陽路路陽也毛詩曰其崇如墉其比如櫛向曰寺司也言官司羅列廣七里夾棟謂屋多而相夾陽路向南之道翰曰櫛梳也屯營軍衛相次為梳齒相比廨謂公廨宅署如棊之分布銑曰橫塘查下間巷名隆盛也夸奢也言此中之人競作奢盛連也飛甍斜互言棟宇相交互也其居則有善無高門

鼎貴魁岸豪桀虞魏之昆顧陸之裔岐嶷繼體老成奕世躍馬疊跡朱輪累轍陳兵而歸蘭錡魚內設冠蓋雲

蔭閭閻闐噎

劉曰應劭曰鼎始也乃祖乃父已來皆貴故曰鼎貴也虞魏顧陸吳之舊姓也昆裔

皆後世也賈捐之傳曰石顯方鼎貴躍馬騰躍之謂也
蔡澤傳曰躍馬肉食西京賦曰武庫禁兵設在蘭錡
善曰後漢書曰江充為人魁岸毛詩曰克岐克嶷又曰
雖無老成人謝承後漢書曰王公位二千石奕世相襲
楊惲書曰乘朱輪者十人銑曰鼎貴鼎食者魁岸長貌
虞魏顧陸皆吳之貴姓也昆後也裔苗裔也岐嶷少而
賢者能繼祖考之德老成者亦少而有長老之道衣冠
赫奕不絕于代又曰言躍馬朱輪之人皆出于陳兵也
蘭錡兵戈之格而設之于內翰曰躍馬良馬疾行也
朱輪以朱飾車也疊跡累轍言其衆多也向曰冠蓋
如雲之蔭而問其隣則有任俠之靡輕眇之客締細
巷為其聞噓

交翩翩儻

卑從自用

弈弈

五臣作奕奕

出躡珠履動以千百里

讌巷飲飛觴舉白翹關扛

江

鼎抃射壺博

鄒

陽暴謔

中酒而作

劉曰靡美也揚子法言曰鼎政荆軻刺客之

漢書曰引滿舉白鄱陽人俗性暴急何晏云鄱陽惡戲

難與曹也鄱陽本豫章縣善曰漢書曰季布為任俠

如淳曰相與信為任同是非為俠漢書述曰江都謂輕

薄為諄也諦結也弈弈輕靡之貌高誘淮南子注曰諄

輕利急疾也史記曰平原君使人於春申君趙使欲夸

楚為玳瑁簪刀劍室皆以珠飾之請春申君春申君客

三千餘人其上客皆躡珠履使大慙列子曰孔子勦能

招國門之闕而不肯以力聞招與翹同扛舉也史記曰

秦武王有力士烏獲孟說皆大官王與孟說舉鼎說文

曰扛橫開對舉也漢書贊曰元帝時覽拊射孟康曰手

搏為拊壺投壺也禮有投壺論語曰不有博弈者乎

翰曰以義示人人皆信之曰任輕死重義曰俠輕諄之

客謂輕捷之人言其隣近之處相次有之翹扛皆舉也

闕門闕也鼎大鼎也手舞曰拊向曰締結也翩翩往

來貌言其結交而往來儗者所以道引於前也從者侍
從于後奕奕盛貌又曰鄱陽郡人性多躁急酒半酣之
時好為暴惡之戲中酒為半酣也濟曰蹕蹕也以珠
飾其履者動以千百言多也良曰飛觴行觴疾如飛
也大白杯名有犯於是樂只衍若而歡飫無匱都輦殷
令者舉而罰之

而四輿來暨水浮陸行方舟結駟唱棹轉轂昧旦永日

劉曰昧旦清晨也左傳曰昧旦且顯善曰毛詩曰其
樂只且又曰嘉賓式宴以衍又曰儗爾遵豆飲酒之飲
毛萇曰不脫屣升堂謂之飫輦王者所乘故京邑之地
通曰輦馬漢書曰殺身靡骨死事輦轂下楚辭曰青驪
結駟齊千乘漢書曰轉轂百數毛詩曰且以永日向
曰只辭也衍樂也飽而飲酒曰飫匱乏也唱棹鼓棹行
而歌也轉轂謂言方舟結駟唱棹轉轂自早日而至于
暮故云永日也翰曰都輦天子所居之處殷盛與遠

暨至也言帝都殷盛而四遠之人皆開市朝而普納橫
來至也方舟並舟也結馬連騎也

闐闐而流溢混品物而同塵并都鄙而為一士女佇眙

勅工賈駢坐蒲紵衣絺服雜沓澁先萃輕輿按轡以

經隧樓船舉颿而過肆果布輻湊而常然致遠流離

與珂珖音邊劉曰混同也佇眙立視也今市聚人謂

有樓也颿者船帳也地理志曰越多屏象玳瑁珠璣銅
銀果布之湊黃支國多異物入海市明珠流離果橘柚

之屬布箋紵之屬近海多寶物湊會處也玳老鵬化西
海為珖已裁割若馬勒者謂之珂珖者珂之本璞也日

南郡出珂珖善曰楚辭曰覽涕而佇眙許慎淮南子
注曰珖相連也羽獵賦曰萃澁沆溶埤蒼曰澁走貌漢

書有樓船將軍翰曰閭閻市門也言早朝開市普納雜貨如川之流盈溢于市廛也廛市中空地混同品物于此也并都鄙而為一者言都中及邊鄙之人皆通貨物而來並在此一所果橘柚也布絺紵也輻湊來者常也流離珂珎皆寶名自遠至也銑曰駢空閭駢相次貌坐次也良曰從上萃集也雜沓多亂之貌向曰輿車也按轡緩行也隨市中道也言水流通集捷市故樓船過于肆也舉颿者挂席用風力也紃器用萬端金鑑磊珂力珠琲補闕干桃笙象簞韜於筒中蕉葛升越弱於羅紉劉曰緹縠夾貨名也扶南傳曰緹貨布帛曰賄金二十四兩為鑑史記貨殖傳曰趙孝成王一見賜黃金百鑑磊珂衆多貌琲貫也珠十貫為一琲桃笙桃枝簞也吳人謂簞為笙又析象牙以為簞蕉葛葛之細者升越越之細者濟曰縹賄貨名紛紃多貌又曰韜藏也桃笙竹

簞與象牙簞皆藏于竹筒而致貢也翰曰貫珠曰排

磊珂闌干皆言多也銑曰蕉葛升越皆布類弱于羅

統言澀所言除榮胡力交木貿候相競喧譁花惶呼

細薄立立榮巧巧交木貿候相競喧譁花惶呼

呻呼芬葩蔭映揮袖風飄而紅塵晝昏流汗霖霖沐

而中遠泥濘善曰蒼頡篇曰嘉不止也榮侈衆相交錯

也史記蘇秦說齊王曰舉袂成帳揮汗成雨毛萇詩傳

曰小雨謂之霖霖杜預左氏傳注曰濘泥也向曰濘

嘉言語不止貌榮侈錯亂貌交為貿易相與競利也誼

譁惶呻皆聲也芬葩蔭映人衆多而相映也揮袖謂人

衆之甚也言各動袖求風而得塵起晝日昏暗富中之

汗流于地而道路有泥濘霖霖小雨言汗似之

眊五臣貨殖之選乘時射利財豐巨萬競其區宇則井

作氓

疆魚卷於宴居則珠服玉饌

劉曰越絕書曰富中大塘勾踐治以為義田肥饒故

謂之富中珠服珠襦之屬以珠飾之也玉饌者尚書曰惟辟玉食言富中之食貨殖之選者各利所以能豐其

財也并疆踰田畝也魚卷踰里閭也善曰說文曰吐田人也孔安國尚書傳曰自賢曰矜鮒曰富中之氓

謂肥沃田中所居人也言其貨殖之所選擇者唯賤而收之及貴而出乃得財物多至于巨萬也翰曰言

富家吞射并魚他人之疆卷盡為己有趨起材悍汗壯珠服以珠為飾玉饌言珍美而此于玉

此馬比廬捷若慶忌勇若專諸危冠而出竦劔而趨扈

帶鮫函扶揄

五臣作拔投

屬鏤

力鈞反劉曰秦零陵令上書曰荆軻挾匕首卒刺陛下

以神武扶揄長劔以自救謂此也韓非子曰解其長劔危其危冠離騷曰扈江離楚人謂被為扈鮫魚甲可為

鎧淮南子曰鮫革犀兕為甲冑也周禮曰燕無玉孟子
曰矢人豈不仁於玉人哉傳曰賜子胥屬鏹以死凡此
皆其器用之事義亦其土俗所能出有嘉服用也善
曰成公綏洛襍賦曰越才逸態習水善浮呂氏春秋曰
吳王欲殺王子慶忌謂要離曰吾常以馬逐之江上而
不能及射之矢左右滿抱而不能中高誘曰慶忌吳王
僚之子也左傳曰吳公子光享王專諸真劍于魚中以
進抽劍刺王遂殺闔閭向曰言壯勇之人此中比屋
皆是銑曰慶忌吳王僚子也吳王將殺之逐之不及
射之不中其捷如此專諸亦吳之勇士翰曰危冠高
冠也疎劍謂帶劍疎立而趨良曰危者從君主行也
鮫函者以鮫皮飾刀拔投屬鏹劍名也皆帶以從君行
也藏銳施於人去戲代自閭家有鶴膝戶有屏渠軍容

蓄用器械魚儲吳鉤越棘純鈞湛盧戎車盈於石城戈

船掩於江湖

劉曰銳矛也揚雄法言曰吳越以矛為銳戲掩也鶴膝矛也矛散如鶴脰者謂之鶴

膝犀渠楯也

國語曰奉父犀渠軍容軍之容表司馬法

曰古者軍容不入國

國容不入軍軍容不入國則人德麤

國容入軍則人德弱

越絕書曰閭閻既重莫耶乃復命

國中作金鉤

有人貪王賞之重殺其兩兒以血釁鉤遂

成二鉤獻之閭閻

詣官求賞王曰為鉤者衆多而子獨

求賞何以異于衆人之鉤乎

曰我之作鉤也殺二子成

兩鉤王曰舉鉤以示之何者是也

於是鉤師向鉤而哭

呼其兩子之名吳鴻庖稽曰我在此王不知汝之神也

聲未絕于口兩鉤俱飛著于父之背吳王大驚曰寡人

誠負子迺賞之百金遂服其鉤

越絕書曰昔越王句踐

有寶劍五聞于天下

客有能相劍者名薛燭王召面問

之對曰歐冶子因天地之精悉其伎巧一曰純鉤二曰

湛盧三曰莫耶四曰豪曹五曰巨闕石城石頭鵠也在

建業西臨江其中有庫藏軍儲戈船船下有戈也江湖

二水名也

善曰

禮記曰

越

牀大弓

天子之戎器也

鄭

玄曰

越國名也

環濟吳紀曰

建安十七年

城石頭

越絕

書伍子胥

船有戈

向曰

吳謂矛為銳

仗不須出自武庫

人皆有之

如藏之於人

又游去之時

戲楸之器

亦自閭里取之

鶴膝渠皆楸名

軍容則牙

戟之類儲積也

魚儲蓄積也

良曰

吳鉤劍類

越牀戟

也純釣湛盧二劍名也

濟曰

石頭城中置府庫軍儲

故云盈于石城

戈船掩于江湖

言其多

遂至掩蔽于水

露往霜來日月其除

草木節鮮

鳥獸腠突

膚觀鷹隼

誠征夫坐組甲建祀姑命官帥而擁鐸將校獵乎具區

劉曰

毛詩曰

今我不樂

日月其除

國語曰

本見而草木

節鮮本底也

謂霜降之後

生氣既衰

草木枝葉皆理

鮮也

腠肥也

左傳曰

肥腠謂畜之碩大蕃滋也

洪書曰

鷹隼隼未擊

矰弋不施于蹊隧

于此時也可以戒

戎夫左傳

隼未擊矰弋不施于蹊隧

于此時也可以戒

戎夫左傳

隼未擊矰弋不施于蹊隧

曰裏糧坐甲又曰組甲三千馬融曰組甲以組為甲祀姑幡也麾旗之屬也國語曰吳王夫差出軍與晉爭長

昏乃戒夜中令服兵擐甲陳士卒官帥擁鐸建祀姑此吳軍容之舊制也周禮校人中大夫掌王田獵之馬校

千二百九十六匹具區澤名也在吳之西善曰爾雅曰吳越之間有具區濟曰露秋也霜冬也除去也言

秋往東來日月將去草木凋落而鳥獸膚體皆肥臍也翰曰言此順時校獵乃勅整戎夫也組甲以黑索連

甲也坐猶積也官官司帥將烏上潁古狼荒呼夫南西帥擁鐸執鐸以宣令鐸鈴也

屠僭都耳黑齒之酋由金鄰象郡之渠羈由駢許風香

菑韞蘇徒驚捷先驅前途劉曰異物志曰烏潁南夷別名也其落在潁山

之中其種族為人所殺則居其死所且伺殺主若有過之者是與非則仇而食之狼臙人夜襲金知其良否夫

南特有才巧不與衆夷同西屠以草染齒染白作黑僂
耳人鏤其耳匡夫南之外有金鄰國去夫南可二千餘
里土地出銀人衆多好獵大象生得其死則取其牙箇
渠皆豪帥也象郡今日南郡也又有象林郡善曰羸
駘羸箇衆馬走貌鞭雪走疾貌向曰六者皆蠻夷名
金鄰國名象郡名箇渠皆長也良曰羸駘至驚捷
並馳走之貌向曰言蠻夷箇
渠之類為吳王先驅前道也

車輦輦

檻

被練鏘鏘吳王乃巾玉輅輅

翊

馬

肅

馬

霜

旗

魚須常重先攝

鳥

烏

號

佩

干

將

羽

毛

揚

旄

雄

戟

耀

鉉

貝

胄象弭織

熾

文

鳥

章

六

軍

約

翊

服

四

騏

其

龍

驤

音

襄

劉

曰

管

子曰桓公北征孤竹見人長尺而人物具焉冠而右袂
衣走馬管仲曰登山之神有兪兒者長尺人物具焉霸

王之君與登山之神見且走馬前導也祛衣示前有水也右祛衣從右方涉也至卑耳之溪有贊水者從左方涉其深及冠從右方涉其深至膝已涉大濟也指南指南車也鬼谷子曰鄭人取玉必載司南之車為其不惑也銚銚行步貌也左傳曰被練三千馬融曰被練為甲者所服也玉輅以玉飾車也驕驕馬也左傳曰唐成公如楚有兩肅爽馬子常欲之不與三年止之唐人竊馬而獻子常子常歸唐侯馬融曰肅爽鳥也馬似之旗旌旗之屬交龍為旂以魚須為柄也有日月為常重光謂日月重光也烏號拓名以為弓淮南子曰烏號之弓不能無弦而射胄堯鑒以貝飾之弭弓末以象飾之烏章鳥為章也左傳曰衿服振振衿同也善曰毛詩曰大車檻檻子虛賦曰靡魚須之撓旃史記趙良曰屈盧之勁矛干將之雄戟詩曰貝冑朱綬又曰象弭魚服又曰織文鳥章又曰乘其四騏南都賦曰馬鹿超而龍驤向曰俞騎引路人也指南車名上有木人常指其南方

故曰司方輦輦車聲練甲也銛銛行列貌巾飾輅車也

兩馬駕車曰輅輅輕車也驕驕良馬也良曰魚須魚

之髭鬚以為旗竿常幅也畫日月形故曰重光翰曰

烏號弓名攝而彎之弭弓消飾之以象牙織當作幟字

之誤也言旗幟之上畫為鳥文天子六軍初謂下同服

騏馬也騏舉也謂四馬如龍之騏舉也濟曰羽旄旌

旗類揚動也旄羽毛好貌銛峭格周施量衡爵普張畢

戟刃之端明貌有光耀也

罕瑣結毘

美蹠

五臣

連網陸丘

以九疑禦

以沅

元

湘輶

由軒蓼

了擾

鼓

騎

熅

于煌

劉曰峭

格羅

絡毘

麋

網蹠

得兔而忘蹄

陸闌也

因山谷

以過獸

也禦禁苑

也謂為

藩落也

揚雄羽獵賦曰

禦自涇渭

九疑山名

沅湘水名

輶輕也

詩云輶車鑿鑿

鼓騎張弓弩

之騎也

向曰峭

高也

格張網之木也

周匝施之故曰

周施量爵網也

普

普

徧而張之畢早皆網名如瑣之連結也網網畔麋絕總
連諸網也銑曰陸闌也九疑山名言遮闌禽獸以取

之禦禁也沅湘二水名言于水畔為藩落以禁禽獸
翰曰輶軒輕車也蓼撥亂貌穀張弓也言騎之張弓而

行也惛祖裼徒搏拔距投石之部援臂駢脅狂趨子獷
煌疾貌祖裼徒搏拔距投石之部援臂駢脅狂趨子獷

古狻其鷹麟鄰鶚視趨南譚拉力掾若離若合者相
猛狻其鷹麟鄰鶚視趨南譚拉力掾若離若合者相

與騰躍乎莽

謀謗

畏浪之野

劉曰爾雅曰祖裼暴虎拔距謂兩人以

手相案能拔引之也超踰躍也投石舉石以投擲也王
翦傳曰拔石拔距猿臂通肩也漢書李廣猿臂為武騎

常侍史記尚君傳趙良謂鞅曰君之出多力而駢脅者
參乘左傳晉文公駢脅也趨走也善曰司馬相如大

人賦曰騰而狂趨說文曰犬獷不可附也狻壯勇之貌
說文曰睥目精也趨譚拉那相隨衆多貌莽畏廣大貌

翰曰袒裼露肘膊也徒搏以手擊獸而殺之拔距投石皆壯士所為者部伍也言壯士之部伍者後臂善射

駢脅亦壯士也狂趨走也獷獷勇也瞋目精也言壯勇之士如鷹鶚之目以視人向曰趨譁壯相隨衆貌

而離合不常莽冒廣大貌言相與千鹵父殊鉦蟬陽良騰躍于廣大之野騰躍猶飛走也

夷勃盧之旅長殺

呼

短兵直髮馳騁僂

許

佻

他

坐

步

並

銜枚無聲悠悠旆旌者相與聊浪郎乎昧莫之垆

劉曰

皆楯也越絕書曰越王身披賜夷之甲拔勃盧之矛短兵刀劍也尚書曰稱爾干戈過秦論曰流血漂鹵廣雅

曰殺矛也楚辭曰車錯轂兮短兵接方言曰僂佻疾也漢書相如弔二世曰坐入曹宮之蹇我音義曰坐並也

周禮銜枚氏下士鄭玄曰止言語詭誼也枚大如箸橫銜之毛詩曰有聞無聲又曰蕭蕭馬鳴悠悠旆旌悠悠

流貌也。昧莫廣大貌也。聊浪放曠貌也。銑曰：父鉞走類也。直髮馳騁疾而髮上直也。良曰：僂佻坐並疾走。

貌。枚以竹為之大如箸，口銜止，誼譁也。聊浪放蕩也。昧莫有林木暗暝之處，言相與放蕩逐獸至於此，罔也。

鉦，征鼓，疊山火烈燹。必林飛燭。五臣作焰。浮煙載霞，載陰蒞。

五臣作拉獵。獵雷礮。崩巖。五臣作弛。岑鳥不擇木。

獸不擇音。劉曰：疊振疊也。鳥擇木而棲。左傳曰：鳥則擇木，又曰：鹿死不擇音。鹿得美草呦呦而鳴，至。

于困迫將死不暇復擇，出音急之至也。凡閒暇而有好聲，逼急不擇音，獸皆然。非唯鹿也。莊周亦曰：獸死不擇。

音，以雷礮之至故云。鳥不擇木，獸不擇音。善曰：說文曰：鉦，鏡也。拉，攏雷礮崩弛之聲。爾雅曰：巖，山墮。山小而。

高曰岑。翰曰：疊鼓聲振動也。從火于山，猛烈燹于林木之間，火焰隨風而飛，煙氣滿山而浮，火氣時盛時衰。

如天有霞有陰濟曰密岑小山也言士卒鼓怒山乃
崩地拉攏木摧傷之聲雷礮山崩聲也鳥獸遭逼迫鳥
不暇擇木而棲獸不暇擇音而出言困甚也暴尅胡尅叔
暴尅胡尅叔司廩廩居驀陌

六駢追飛生彈鸞鵠京射猱刀挺庭白雉落黑鳩零陵

絕嶠秦嶠逆聿越嶼咸嶮跼踰逾竹栢獠連猱緣杞

桄而封狶虛窈呼角善神騶掩剛鏃祖潤霜刃染劉曰

前兩足也莊周曰連之羈頤廩大廩也桂林有廩山海
經曰駢白身黑尾一角虎爪音如鼓詩云隰有六鰈飛

生廳也師曠曰南方有鳥焉鵠黃頭赤目五色備也鵠
鳥一名雲白黑色長頸赤喙食蝦蛇體有毒古人謂之

鵠毒江東諸大山中皆有之霜刃言其殺利也善曰
毛詩曰不敢暴虎毛萇曰暴虎空手以搏也尅與暴同

爾雅彪白虎彪黑虎說文曰騫上馬也史記曰趾萬里如淳曰趾起踰也埤蒼曰獬豸逃也淮南子曰申包胥

曰吳為封豨脩蛇方言曰南楚人謂豨為豨豨聲翰曰暴空手搏虎也騫騎也頽絆也彪彪麋麋六駁飛

生皆獸名鸞鵠鳥也獠獸也鵠赤鳥也皆彈射而致零落向曰嶠嶠高貌絕盡也言上陵盡于高處聿疾

也疾越于險峻之所趾踰踐躒也獠豨奔走也言踐躒于竹栢之間奔走于杞栢之下杞栢木名也封豨大豨

也菟豬聲也神螭猛獸也剛鏃箭鏃也霜刃於是弭節兵器之刃白如霜也言為獸之血所染潤也

頽轡齊鑣彼主馬蹕徘徊倘佯寓目幽蔚覽將帥之拳勇

與士卒之抑揚羽族以觜距為刀鉞披毛羣以齒角為

矛鉞古皆體著而應卒倉忽所以挂扞古鉞而為創瘡痛

于衝蹕慈而斷筋骨莫不女銳挫鋸拉押比推藏雖

有石林之窄贖嶠額請攘羊臂而靡之雖有雄虺之九

首將抗足以趾此之劉曰離騷曰仰志弭節止行者

著者著體而生也楚辭天問篇曰鳥有石林此本南方

楚圖畫而屈原難問之于義則石林當在南也楚辭招

魂曰南方不可以止雄虺九首往來儵忽雖有石林雖

有雄虺者蓋張誕之云非必臨時所遇善曰左氏傳

曰得臣寓目焉毛詩曰無拳無勇拳與權同楚辭曰帶

長缺之陸離廣雅曰扞摩也蒼頡篇曰痛歐傷也說文

曰蹕觸也舛折傷也押兩手擊也廣雅曰蹕躡也翰

曰此言止行也徘徊倘佯志不安也寓目于幽蔚未行

之處志將不滿將重為其游獵之事向曰羽族鳥也

毛犀獸也鉞亦刀也鉞亦劒也扞磨也衡蹕謂抵觸也

銳鋒雄也揮擲也推藏謂折挫也宥嶢深峻貌攘舉也靡倒

也揚則雖鳥獸背距如刀戟戈矛劍皆體若卒急挂磨而

為瘡痛抵觸而斷筋骨莫不刃挫鋒銛拉擲折挫之也

雖石險林深之處舉臂則倒之顛覆巢居剖普破窟宅

雖毒蛇九頭將舉足而踏之仰攀鷄思義宜俯蹴七助猱陌刳刳兒熊羆之室

剽匹掠虎豹之落猩猩啼而就擒萬萬五臣作萬笑而

被格屠巴蛇出象骼格斬鵬翼掩廣澤劉曰山海經曰

異物志曰出交趾封溪有猩猩夜聞其聲如小兒啼也

鰐劉為鰐鰐泉羊也已解上章矣張衡玄圖曰泉羊喜

獲先笑後愁

山海經曰巴蛇

食象三歲而出其骨其

為蛇青黃赤黑鵬翼大垂天也

善曰許慎淮南子注

文選

三

欽定四庫全書

曰鷄鵠驚雉也爾雅曰獬白豹刺亦劫也廣雅曰落居也銑曰鵠鳥巢破獸穴餘同善注翰曰剗剗剗掠

發掘傷擊之也屠殺也骸骨也巴蛇大蛇也能食象故殺之出其骨也鵬大鵬鳥其翼垂天今斬之故掩蔽廣

澤也向曰猩猩獸性好酒酒醉則不能去乃啼則為人所擒也鸞鸞獸食人見人則執手而笑乃食之人因

以筒致臂而與之則執筒而笑笑則屑上掩其輕禽狡目人則抽臂以鑿綴其屑于額而殺之格殺也輕禽狡

獸周章夷猶狼跋步乎紉橫中忘其所以睽失賜適失

其所以去就魂褫直氣懾之而自踢唐蹴蒲者應弦而

飲羽形儋方景僵者累積而增益雜襲錯繆傾數薄倒

岬峽岫巖穴無斫音牽善從宗翳蒼無廬須鵲力思假

遁於豐隆披重霄而高狩籠烏兔於日月窮飛走之棲

宿

音秀

劉曰楚辭曰君不行兮夷猶王逸曰夷猶猶豫也紐綱綱也踢蹴皆頓伏也飲羽謂所射箭沒其

箭羽也闕子曰宋景公以弓人之弓升虎圈之臺東向而射箭集彭城之東其餘力逸勁猶飲羽於石梁言欲

假道豐隆非實事也然欲窮高極遠究變化備幽明之故設此云善曰毛詩曰狼跋其胡說文曰睽覿視也

賜疾視也褫奪也聲類曰踢跌也漢書音義曰跌崩也爾雅曰債僇也許慎淮南子注曰岬山旁爾雅曰山有

穴曰岫毛萇詩傳曰獸三歲曰狝爾雅曰豕生三子曰從說文曰麋麋也又曰鴝鵒也楚辭曰吾令豐隆

乘雲兮王逸曰豐隆雷師也春秋元命苞曰日月兩設以蟾蜍與兔者陰雙居月中有兔已見蜀都賦良曰

狡勇也周章夷猶恐懼不知所之也濟曰狼跋狼狽也獸皆狼狽于網中忘其看視失其去就恐懼之甚也

飲則沒也向曰唬驚也也踴跌顛蹶者則射之應弓弦而沒羽也

多雜錯繆亂以相襲鳥日中鳥兔月中兔言將籠網取之

使窮盡天地之間飛走之物也錢曰澤無水曰藪草木俱

生曰薄兩山間曰岬言此中禽獸索然以空也獬豸並

獸子麋鹿子鴉雉子翳蒼幽山之處雖鵠小之物亦窮

盡也冬獵曰狩言在地畋獵猶未以為足乃將借道于雷師

披此重雲而上獵故曰高狩也嶢解潤關苦岡峒峒童罽魯罽浮罽效

獲衆終迴觀漁乎三江汎舟航於彭蠡

渾故萬艘蘇而既同劉曰閩空也易曰閩其無人爾雅

草木也若童無角草轡革也彭蠡澤名善曰爾雅曰

小山別大山曰嶰山夾水曰澗毛萇詩傳曰太平山不

童澤不竭聖主得賢臣頌曰王良執靶左氏傳曰公觀
魚于棠尚書曰三江既入震澤底定彭蠡既豬翰曰
嶺山間罾罟皆羅網也言山澗禽獸以空岡岵草木以
盡所施羅網之中禽獸皆滿功獲衆多也靶馬轡也睨
視也言游獵窮于天地之間將迴轡乎行視之處乃觀
漁乎三江之中備舟航于彭蠡之澤舟航艘船之總名
萬言多渾雜弘舸我連舳逐巨檻接艫飛雲蓋海制非
而同波也

常模疊華樓而島峙時髣髴於方壺比鷁首之有裕邁

餘惶於往初

劉曰揚雄方言曰江湖凡大船曰舸舳船

之船也島峙謂似方壺蓬萊二山有宮闕左傳曰楚敗
吳師獲其乘舟餘皇吳子光請于衆曰喪先君之乘舟
豈唯光罪衆亦有焉善曰釋名曰上下重牀曰艫江
表傳曰孫權乘飛雲大船吳志曰賀齊所乘船彫刻丹

錢望之若山列子曰渤海之中有大壑其中有山一曰岱與二曰貞嶠三曰方壺四曰瀛洲五曰蓬萊

船飛雲船上樓名甚高者蓋海言多也皆彫飾奢麗其

制度非常之模軌也疊重峙峻也髣髴象似也言船上

此舟船樓閣之盛皆過于往昔也言張組帷構流蘇開軒

幌鏡水區窩高工楫子師選自閩禺愚習御長風狎翫

靈胥責千里於寸陰聊先期而須臾劉曰流蘇謂翦綳

也水區河中也言開文軒光輝如鏡照川也閩越名也

泰并天下以其地為閩中郡班固述兩越傳曰悠悠外

宇閩越東甌禺東禺其地人使水方言曰刺船曰篙

械撓也淮南子曰來溪谷之流以象禺長風遠風也靈

胥伍子胥神也江海之間莫不尊畏子胥將濟者皆敬
祠其靈以為性命舟楫之師獨能狎翫之也千里路之
長也寸陰晷之短也言水靈輯睦浪濤弭息取長路于
短景獨能先期而到故有須臾之暇也善曰西京賦
曰長風激于別島越絕書曰子胥死王使泊于大江口
乃發僨馳騰氣若奔馬乃歸神大海蓋子胥水仙也
向曰組綵色也流蘇五色羽飾帷而垂之軒門也幌帳
也言于舟航樓觀之中設此具而居之鏡照也區中也
謂此靡麗之色皆照見于水中工謂所善師謂所長皆
使其駕行舟者故選擇而用之習御謂便用之也言習
舟楫人之便用風波近弄子胥之神恃其所善乃皆無
懼鮒曰責求也言風水勢急求千里之程在于寸陰
之間先於所權棹謳唱蕭籟鳴洪流五臣響渚禽驚弋
期須臾而至權謳唱蕭籟鳴洪流作波響渚禽驚弋

磻波放稽鵠鳴

明虞機發留鵠鵠

劉曰鵠鵠鳥也楚辭
曰從玄鵠與鵠鵠尚

書曰若虞機張鄭氏注曰虞主田獵之地者也機弩牙也鷁鷁鳥也似鳬頭上總毛羽舊曰方言曰楫謂之

擢說文曰謳齊歌也籟三孔簫也礪似石
類言渚禽聞棹歌簫管洪流之聲是以驚也
向曰籟簫翰曰戈

取鳥之名磻箭名釣餌縱橫網罟接緒術兼詹公巧傾稽留也餘同劉注

任父筌魚巨鱔莫麗所嘗嘗沙罩陟介兩介介巢側高

鰕遇乘鱉胡鼃鼃同孤羅沈虎潜鹿串繫龍籠僮

墮東嶽暉鯨背善作中於羣害古機槍暴出而相屬雖

復臨河而釣鯉無異射鮒附於井谷劉曰易曰結繩而為網罟以畋以漁

詹公詹何也任父任公子也莊周曰任公子為大鉤巨
矴五十犢牛以為餌蹲會稽投竿東海已而大魚食巨

釣釣沒而下驚揚奮鬣白波若山海水震蕩任公子得
若魚離餌之澗河以東蒼梧以西莫不獻此魚者荃所
以得魚也莊子曰得魚而忘荃單簍也編竹籠魚者毛
詩曰南有嘉魚蒸然罩罩鮓左右鮓一目所謂此目魚
也云須雨魚並合乃能游若單行落魄著物為人所得
故曰兩鮓丹陽吳會有之罩抑魚之器也鮓形如惠文
冠青黑色十二足似蟹足悉在腹下長五六寸雌常負
雄行漁者取之必得其雙故曰乘鯨南海朱崖合浦諸
郡皆有之眾魚網也詩云施眾濊濊虎魚頭身似虎或
云變而成虎虎頭魚有角似鹿同眾共羅言皆為網罟
所制獲也繫籠僮來者陷網罟之中僮來也微鯨魚之
有力者也魚大者莫若鯨也故曰微鯨也淮南子曰鯨
魚死而彗星出易卦曰九二井谷射鮓鄭玄云九二
坎爻也坎為水上真巽生三艮爻也艮為山山下有井
必因谷水所生魚無大魚但多鮓魚耳夫感動天地此
魚之至大射鮓井谷此魚之至小故以相況善曰列

予曰詹何楚人也以獨齒絲為綸芒針為鉤荆條為竿
剖粒為餌引盈車之魚於百仞之淵鱣鱠也毛萇詩
傳曰鱣楊也鮓鮑也爾雅曰鮓若因拘說文曰搭騾牛也
又曰龍魚有也鵬鳥賦曰儋若囚拘說文曰搭騾牛也
騾以陵切濟曰乘鱉似蟹眾網也言與鼃鼃同其羅
網銑曰鉤餌鉤上置食者縱橫言多也緒所以綴網
之網也接謂相接也向曰鱣鉤也罩籠也罩盛魚器
也鰕鰕大魚名也鮒小魚也谷水也井水之中其魚小
也臨大河而釣鯉者見射小魚于井谷必小之今我于
江海之中得此大魚比于臨河而釣鯉者我又輕之無
異釣鯉者觀于射鮒之微也翰曰沈虎潛鹿並魚頭
虎鹿之身而龍儋東言俱陷羅網之中莊子云以大鉤
十二犗牛為餌言微鯨吞此鉤為人所得機槍妖星結
也暴疾也鯨魚死其目精疾出而為此星以相連屬
輕舟而競逐迎潮水而振緝密想萍實之復形訪靈夢

於鮫人精衛銜石而遇繳

酌丈蠅

遙夜飛而觸綸北山

亡其翔翼西海失其游鱗

劉曰繳弋綸也綸綸皆釣繳也詩曰其釣伊何惟然伊緡

山海經曰東海中有獸如牛蒼身無角一足入水則風其聲如雷以其皮冒鼓聞五百里名曰夔鮫人居水中

故訪之北山經曰發鳩之山有鳥狀如鳥而文首白喙赤足名精衛其鳴自呼赤帝之女姓姜游于東海溺而

死不反常取西山木石以填東海西山經曰秦器之山澹水出焉是多鯀魚狀如鯉魚身而鳥翼蒼文而白首

赤喙常行西海而游于東海夜飛而行言吳之綸繳得此鳥故西海北山失其鱗翼也善曰家語曰楚昭王

使使聘于魯問于孔子子曰此所謂萍實者也可剖而

食之吉祥也唯霸者為能獲焉使者返王遂食之戰國策曰夏水浮輕舟雄蜀都賦曰行舟競銑同善注

夢山精也向曰結謂兩舟並繫齊解而進今以為競渡者迎逆也振猶舉也緡網也逆潮水而上行舉張緡

網也言競渡既畢復舉網而取魚翰曰繳射也綸小網也雕題之士鏤身之卒比

飾虬龍蛟螭與對簡其華質則壺意費把錦績會料遠

其虬虎交勇則鵬悍狼戾善曰水經云雕題國在鬱林水南漢書曰昔少康之庶子封于

會稽文身斷髮以避蛟龍之害費錦文貌詩曰關如虬虎戰國策曰趙王狼戾無親良曰題額也螭龍也

言吳人雕額鏤身為文與虬龍之色相似故云此飾又可與虬龍偶對也濟曰言上雕題鏤身人也費績

依稀也績綵也言其依稀如錦綵鵠猶猛也言其猛相勇也悍怒目也言如鵬鵠之怒目狼豺之惡戾也

與昧潛險搜璫竒摸毒代蝟捫子鵠剖巨蚌於

回淵濯明月於漣漪

劉曰昧冒也巨蚌育明珠者也列仙傳曰高后時會朱仲獻三寸四

寸珠此非回淵巨蚌不出之珠也風行水成文曰漣漪詩曰河水清且漣漪明月珠珠之至光者清且漣漪者

水極麗也濯光珠于麗水蓋美之善曰回淵水也良曰言文身之徒能冒潛險之處搜求瑰奇寶玉之物

為銑曰摸捫以手暗取瑋瑁似龜類有文背鰐大龜可向曰剖開破之也巨大也回淵深淵也言破大

蚌于深淵之中乃見明月之珠光色洗濯於漣漪漣漪細波文畢天下之至異訖無索

而不臻谿壑為之一罄川瀆為之中去貧晒澹臺之見

謀聊襲海而徇珍載漢女於後舟追晉賈而同塵劉曰干寶

搜神記澹臺事同下翰注左傳賈大夫惡取妻三年不言不笑御以如皋射雉獲之其妻始笑而言杜預曰賈

國之大夫老子曰和其光同其塵銑曰畢至訖竟索

求臻至也言盡天下至異之物竟無求之不至者矣言

皆得之也向曰言搜索環奇珍異之物而豁壑川瀆

為之罄盡貧窮也翰曰襲入也徇求也博物志曰澹

臺字子羽賁千金璧于河河伯欲得之波浪急起兩蛟

夾舟子羽怒曰河神欲取吾璧可以義不可以威乃以

劍斬蛟殺之浪乃止子羽投璧于河中三投三歸之子

羽毀壁而去晒子羽以璧為河神所謀取乃復入海求

其珍寶漢女漢水之神女也晉賈賈大夫也與其妻如

鼻射雉今言戴漢女以入海求寶如賈大夫與妻如鼻

射射雉也故云追汨乎乘流以砒明宕浪翼颶側風之

晉賈而同塵也汨筆乘流以砒明宕浪翼颶側風之

颶颶直衝濤而上瀨常沛沛對普以悠悠汔虛可休而凱

歸揖一天吳與陽侯劉曰汨疾也砒宕舟擊水貌離騷

曰濫颶風兮上征班固曰颶疾也

凱樂也左傳曰振旅凱入于晉山海經曰朝陽之谷神
為天吳是水伯揖之者辭水靈而歸善曰詩曰汜可

小康鄭玄曰汜幾也戰國策曰塞漏舟而輕陽侯之波
則舟覆矣淮南子曰武王伐紂波于孟津陽侯之波逆

流而擊之高誘曰陽侯陽國侯也溺死于水其神能為
大波向曰碑宕急也颶疾風也颶颶風聲也言急疾

如鳥之有翼更假颶風之勢也濤瀨皆波也言舟直衝
而上沛沛流貌悠悠遠貌良曰汜已也言已可休息

凱樂而歸將指包山而為期集洞庭而淹留數軍實乎
禮揖而別去

桂林之苑饗戎旅乎落星之樓置酒若淮泗積肴若山

丘飛輕軒而酌綠醕靈方雙轡而賦珍羞劉曰班固曰
洞庭澤名王

逸曰太湖也湖水中有包山山中有如石室俗謂洞庭
吳有桂林苑落星樓樓在建鄴東北十里左傳曰以數

軍實外傳曰射不過講軍實鄭氏曰軍實所獲也善

曰周處風土記曰陽羨有湖中有包山左傳晉穆子曰

有酒如淮有肉如坻史記云紂為肉山也湖州記曰湘

州臨水縣有鄣湖取水為酒名曰鄣酒薛綜曰酒肴皆

以車布之向同劉注濟曰數軍實謂計士卒殺獲

之實數饗戎旅謂宴會士卒以勞之銑曰言酒食多

則四馬也賦猶偏與也言四馬載珍羞偏賦與人也飲

烽起醕音子鼓震音真士遺倦衆懷忻幸乎館娃鳥之宮張

女樂而娛羣臣羅金石與絲竹若鈞天之下陳劉曰吳

女為娃揚雄方言曰吳有館娃宮善曰薛綜曰謂行

酒舉烽火以告衆也以醕鳴鼓也說文曰醕飲酒盡也

史記曰趙簡子疾扁鵲視之曰昔繆公常如此七日而

寤告公孫支曰我之帝所甚樂帝告我晉國且大亂今

主君之疾與之同二日簡子寤曰我之帝所甚樂與百
神遊于鈞天廣樂九奏萬舞不類三代之樂其聲動心
娛志左傳曰女樂二八向曰言擊鼓示盡士卒遺忘
俸而忻悅天子所至之處曰幸張設也言設女樂以娛
樂羣臣銑曰羅列也鈞天謂神樂也登五臣東歌操
言金石絲竹盛如神樂之聲下陳於此

南音脩陽阿詠

介莫

任荆豔

余念

楚舞吳愉

臣音

逾五

越吟

翕習容裔靡靡愔愔

劉曰

晏子春秋曰

桀作東歌南音

徵引也南國之音也

左氏傳曰操

南音

呂

南音商角徵羽各有引鍾儀楚人思在楚故操南音呂
氏春秋曰禹行水見塗山之女未之遇而南省南土塗
山之女乃令其妾往候禹于塗山之陽女乃作歌曰候
人倚竇始作為南音周公召公取風焉豔楚歌也漢書
云四面楚歌也愉吳歌也楚辭曰吳愉蔡謳善曰毛
萇詩傳曰東夷之樂曰赫南夷之樂曰任曹植妾薄相

行曰齊謳楚舞紛紛登樓賦曰莊舄顯而越吟史記曰紂作靡靡之樂左傳曰楚右尹子革曰祈招之詩曰祈

招之惜惜銑注同良曰肩猶演也陽阿舞也荆豔楚歌也亦有舞吳歎越吟越人吟也俞習戚貌容裔靡

靡情情也若此者與夫唱和之隆響動鐘磬之鏗聵音橫

從有殷坻丁禮頽於前曲度難勝皆與謠俗汁五臣作叶協律

呂相應其奏樂盧各也則木石潤色其吐哀也則淒風暴

興或超延露而駕辯或踰淶水而採菱軍馬弭髦而仰

秣末淵魚竦鱗而上升劉曰解嘲曰聲若坻頽楚辭曰伏羲駕辯伏羲作琴始造此曲

淮南子曰瓠已鼓琴繅魚出聽伯牙鼓琴馬仰秣善曰戰國策司馬喜曰臣觀人萌謠俗列子曰鄭師文

鼓琴當春而叩商絃以召南呂涼風至草木實及秋叩角絃以激夾鍾溫風徐迴草木發榮銜子曰皆與謠俗協言雖遐方異樂皆上合律呂下應謠俗故能奏和樂之音則木石潤色也淮南子曰夫歌采菱發陽阿鄙人聽之不若延露以和高誘曰延露曲也淮南子曰牙會綠水之超高誘曰綠水古詩也超節也銓鉉大聲汁猶言上也翰曰隆高殷繁坻山叶猶和也協合也若此者言上所奏之歌舞使其叶唱而和之則致高響復有鍾磬銓鉉其聲殷而繁若山頽于前曲度變轉不可勝記皆與俗之歌謠和合律呂之音相應接也向曰潤色暴興樂之至感有如此也鮑曰延露駕辯綠水採菱皆古曲名言今皆超踰過之翰曰弭髦言其毛皆順合秣食草也言仰秣者謂食草之際聞音樂仰首而甘聽餘草在口也踈猶踴出也言魚聞此曲踴鱗而出而甘

滑
思
與半八音并歡情留良辰征魯陽揮戈而高麾迴曜

靈於太清將轉西日而再中齊既往之精誠

劉曰酣酒洽也滑稽

也辰時也爾雅曰不辰不時也淮南子曰魯陽公與韓
遘戰酣日暮援戈而麾之日為之反三舍太清謂天也
此言酣飲與音樂蓋是其中半并會之際歡情之所以
留連良辰之所以覺速故追述魯陽迴日之意而將轉
西日于中盛之時以適已之盛觀也昔光武合呼沱水
鄒衍有隕霜之應精誠之感通天地人神以相應魯陽
公麾日抑亦此之謂也苟日可麾而迴則精誠可庶而
幾故曰齊精誠于既往蓋是酣樂之至逼時之宴者所
以慷慨勞勩是故引而況焉善曰楚辭曰角宿未旦
耀靈焉藏廣雅曰耀靈白日也鶡冠子曰上及太清下
及太寧翰曰謂酣樂纔半而八音兼并雜奏歡情欲
留而良辰欵行征行也言惜時景也既往往古也言今
思齊古人之精誠昔者夏后氏朝羣臣於茲土而執玉
使日駐其景矣

帛者以萬國蓋亦先王之所高會而四方之所軌則春秋之際要盟之主闔閭申其威夫差窮其武內果伍員

之謀外騁孫子之奇勝彊楚於栢舉棲勁越於會稽闕

掘溝乎商魯爭長於黃池

劉曰左傳曰禹會諸侯於塗山執玉帛者萬國國語曰吳

王夫差起軍北征闕池為深溝于商魯之間北屬之濟以會晉定公于黃池吳晉爭長吳先歃晉亞之 舊曰

左傳曰楚師陳于栢舉闔閭之弟夫槩王先擊楚子常楚師大敗國語曰越王句踐棲于會稽之上難蜀父老

曰南馳使以請勦越 向曰塗山在吳故云茲土玉珪也諸侯執之帛束帛也來會者萬國也高大軌法也言

可以為四方之法則也要約也言諸侯約為盟誓伍負吳賢臣孫武以兵法奇計教闔閭也 銑曰夫差伐越

越王大敗夫差盡得越地而越王走保會徒以江湖嶮
稽山言棲者如鳥之棲也翰同劉注

陂秘物產殷充繞雷李未足言其固鄭白未足語其豐

士有陷堅之銳俗有節概蓋之風五睚助挺魚喑

磨鳴鳥則寧弓固南當荆楚鄭白二渠名几天下言豐

者皆多稱關中故引馬韓信曰項羽喑鳴叱咤善曰
太公陰符經曰無堅不陷也楊惲曰西河魏土凜然皆

有節概睚眦已見西京賦家語曰公良儒者有勇力挺
劍而令衆也孟子越人彎弓而射之良曰陂難也

濟曰繞雷關內固險以繞京師如屋雷也言吳有江湖
之固物產之充雖關中繞雷鄭白豈足謂其豐言吳之

勝也翰曰言士之勇壯者雖遇堅敵必破陷之又俗
有志節梗概之人睚眦曠目小怒也挺拔也喑鳴含怒

未發言如此小怒則擁之者龍騰據之者虎視麾城若
拔劍摩弓言勇俠也

振槁

考騫騫旗若

顧指雖帶甲一朝而元功遠致雖累

葉百疊而富疆相繼樂滑衍早苦其方域列仙集其土地

桂父練形而易色赤須蟬蛻

稅

而附麗

劉曰賈誼傳曰權制天下顧指

如意也列仙傳曰桂父象林人也常服桂葉以龜腦和
之顏色時黑時白時赤南海人尊事之累世赤須子豐
人也豐中傳世見之秦穆公之主魚吏也數遭豐界災
異水旱十不失一食栢實石脂絕穀藎落更生細髮復
出後去之吳爾雅曰麗附也莊周曰附離不以膠漆赤
須子本非吳人故言附麗也夫土地險固以致強豐沃
以致盛而天下之美皆歸焉霸王之功皆存焉故賦者
既舉其富強之業而載其神仙之事善曰長楊賦曰

鹿城擗邑商君曰秦師至郢郢舉若振槁漢書曰吳晉
爭長吳為帶甲三萬史記曰維祖元功輔臣股肱新序
曰齊侯相管仲國既富強楚辭曰濟江海兮蟬蛻淮南
子曰蟬飲而不食三十日而蛻銑曰若擁此驍勇之
衆據此險絕之土則必龍騰虎視以為彊霸之鴻業麾
指也言攻城一麾若其摧枯槁之木奪取也顧前敵之
旗可指而取之翰曰元大也言雄勇帶甲一朝而立
大功以聞萬代故曰遠致疊重也累葉猶如木葉相蔭
多也言王霸之業雖疊葉百重而富強不絕故曰相繼
濟曰潯美也衍出也言樂美之事皆出此方域之中
列仙仙人集其土地故云練形易色赤須仙人食栢葉
齒落復生如蟬之蛻身此人非吳人故曰附麗麗五臣
又作美中夏比焉畢世罕見丹青圖其像珍瑋貴其實
麗美也

利也舜禹游焉沒齒而志歸精靈留其山阿翫其奇麗

劉曰中夏貴其珍寶而不能見徒以丹青畫其象類也
楚辭九歌曰九疑繽兮並迎謂舜神在九疑山也言聖
帝明王存亡而淹留于是者貴其奇麗也 善曰山海
經曰南方蒼梧之丘有九疑山焉舜之所葬吳越春秋
禹老歎曰吾年壽將盡止死斯乎乃命羣臣葬我于會
稽之山論語曰管仲奪伯氏駢邑沒齒無怨言也 翰
曰言中夏之國比于吳都之珍異神仙中國則畢世而
不見空見丹青圖畫其象類但知珍寶可貴可利也
良曰沒齒齒年也言舜葬蒼梧禹葬會稽則盡年而忘
歸也 向曰阿曲也精靈神仙之類在其山出翫其奇
異美麗 剖判庶士商推角 萬俗國有鬱鞅而顯敞邦有
之事

湫子阮介而蹠拳 跼伊茲都之函 含弘傾神州而韞 蘊

積仰南斗以斟酌魚二儀之優渥

劉曰函弘寬大也左
氏傳齊景公欲更晏子

之宅曰子宅湫隘不可以居禹所受地說書曰崑崙東南方五千里名曰神州楚辭曰八柱何以東南傾吳國在地勢所傾寫故曰傾神州而韞櫝也論語曰韞櫝而藏諸廣雅曰商度也推粗畧也言商度其粗畧天官星占曰南斗主爵祿翰曰割判謂分別也庶衆也言分別詩曰既優既渥翰曰割判謂分別也庶衆也言分別衆事商畧萬國之風俗也鬱茂也鞅鞅掌也皆盛貌顯敞高廣貌湫下阨小踈跼不舒也言分別庶士商畧萬俗則有鬱茂鞅鞅掌高廣者則有下小踈跼不舒展也伊惟弘大也神州中國帝居也韞藏櫝櫝也言此都之大也而包含中國若藏之於櫝中向曰南斗星由此而名將仰取以用酌酒二儀天地也優渥優游也

揆之西蜀之於東吳小大之相絕也亦猶棘林螢燿

臣五

作而與夫尋木龍燭也否泰之相背也亦猶帝之懸解

而與夫桎梏疏屬也庸可共世而論巨細同年而議豐

确告乎

劉曰崔寔政論云使賢不肖相去如日月之與螢火雖頑嚚之人猶察山海經曰尋木長千里

又曰鍾山之神名曰燭龍視為晝暝為夜莊周曰老子死秦失弔之三號而出弟子曰非子之友耶曰然然弔

若是可乎曰始也吾以其人也而今非也適來夫子時也適去夫子順也安時而處順憂樂不能入也古者謂

是帝之懸解山海經曰貳負殺楔偷帝乃梏之疏屬之山桎其右足反縛兩手漢宣帝擊磻石于上郡陷得石

室其中者有反縛械人劉向曰此貳負之臣也帝曰何以知之以山海經對帝天也人生稟命于天受拘俗之

性憂虞終身不解此乃自終執縛為天所繫夫安時處順憂樂不能入此自然放肆為天所解也天在上者故

曰帝之懸解性之永放者也桎梏疏屬形之永拘者也相背之甚故以相況焉凡物安於所守不易其方處窮

塞而不識天下之通塗亦如此也确薄也善曰棘聚
而成林郭象莊子注曰生曰懸死曰解過泰論曰不可
同年而語矣翰曰棘林棘刺之木螢曜螢蟲之光尋
木大木龍燭鍾山神也開目以燭天下言吳蜀大小相
比則蜀為棘林螢火之光吳為大木龍燭之照從此度
之則吳蜀相懸絕之極也銑曰否天地不交萬物不
通泰天地交萬物通故相背也豐豐沃之地确确确之
地言吳蜀惡豈可共代而論大小同年而說豐确哉
性濟曰帝天也懸解猶縱逸也言吳則猶放縱得天之
地之道者而蜀猶桎梏拘繫不通之人否泰之相背
也暨其幽遐獨寥寥遼廓閒與耳目之所不該足趾之

所不蹈侔

天儻他

浪之極異崖

屈君


詭之殊事藏理於終古

而未寤於前覺也若吾子之所傳孟浪之遺言略舉其

梗概而未得其要妙也

劉曰倜儻虛詭皆謂非常詭異之事終古猶永古也周禮曰輪

已崇則人不能登也輪已庫則於馬終古登阨也離騷曰吾馬能忍此終古孟子曰伊尹云天之生斯人也使先知覺後知先覺覺後覺也予天民之先覺者也孟浪猶莫終也莊子曰夫子以為孟浪之言我以爲妙道之行與寬深貌該及趾足蹈履也倜儻殊絕之稱虛詭奇異也理美也言幽遐獨邃寬深之處耳目不及足趾不履之所則有殊絕奇異之物蓋藏美終古人所不知而人皆如寐而未寤必不能先事而覺知向曰孟浪鄙野之語梗概大綱也而王孫大夸都邑奢麗尚云如我所傳則鄙野遺言而畧舉其綱而未得妙者誇侈之心未已



文選卷五